



- **Festa d'Advent:** i mituns y les mitans dal grup dai Ministronc y dla Schira Jonila é enviés **en domegna ai 9 de dezember** do le Guldanom te Ciasa dles Uniuns a na picia festa d'Advent.
- **Joneza:** ince eniann endô organiseia la Joneza na “**Sera dal'Advent**”, con de vigne sort de patüc duc y manco duc da mangé y boandes cialdes. I s'encuntun en **vendres ai 14 de dezember** da sera. dles 18:00 ennant, sön la plaza dlungia le paiun. I sperun da s'odei en trec!
- **KVW:** le KVW envieia düc canc en **domegna ai 16 de dezember**, do le Rorate a na picia **festa d'Advent** te Ciasa dles Uniuns.

1

enformaziuns y termins

Santa Messa: en domegna ai **9 de dezember**, ales 16:00, él te dlijia a La Val la messa por recordé le 19. aniversar dla mort de signor Heinrich Videsott.

Oraziun: en lönesc ai **10 de dezember** dô le Guldanom (za. 20:15) él te salf de calogna d'Al Plan la encuntada de reflesciun sön la Bibia, con signor Sepl Granruaz. Düc é enviés y benodüs.

Comun de Mareo: al ven lascé alessi che en dedolönesc ai **11 de dezember**, ales 20:00, gnarál tigní te Ciasa dles Uniuns l'encuntada con la popolaziun.

KVW Senioreclub: en dedemesaledema ai **12 de dezember** ales 3 domisdé él te salf dles manifestaziuns d'Al Plan la festa d'Advent, con le Guldanom abelí dal Cor dal Senioreclub.

Ocio: le **dr. Aldo Marcocci** lascia alessi che en **jöbia ai 13 de dezember** sarál t'ambulator danmisdé ma dales 08:00 ales 10:00 (!) y porchel ince domisdé dales 16:00 ales 17:30.

“Dire o fare”?

Io sono un cristiano del dire o del fare? “Sabbia e roccia”?

Costruisco la mia vita sulla roccia di Dio
o sulla sabbia della mondanità?

“Alto o basso”? La mia vita si ispira dal Magnificat?

Papa Francesco, 06.12.2019

Döt le bun a: Eduard Maneschg * 10.12.1937
y a düc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina le **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann C

09.12.2018 - Secunda domegna d'Advent

n. 2

Arjignedi ca le tru al Signur, avaliedi les strades! Y döta la jont odará la salveza co ven da Dio. Alleluia!

☞ Bar 5, 1–9 | Fil 1, 4–6.8–11 | Lc 3, 1–6

Dal Vangelo do San Lüca:

¹Al ea le chinejimo ann dal goern dal emparadú Tiberius; Pontius Pilatus ea governadú dla Iudea, Eródes tetrarch dla Galilea, so fre Filípus tetrarch dla Iturea y de Traconítis y Lisánia tetrarch de Abiléne; ²gragn prei ea Hánnas y Cáifas. Danló ti é jüda la cherdada de Dio a Jan, al fi de Zacaría, co viea tal desert. ³Y al ea rodé soradöt le raiun encer le lórdann y encündâ danló n bato de converjiun por le pordonn dai picés. ⁴Ensciö s'ademplia ci ch'al sta scrit tal liber dles pordiches de Isaía: Na usc scraia tal desert: Arjignedi ca le tru al Signur! Avaliedi fora les strades! ⁵Vigne fossé dess gní emplí sò y vigne crep y col dess gní arbassé. Ci co é stort dess gní rodunt, ci co é desvalí dess gní valí. ⁶Y döta la jont odará la salveza co ven da Dio.

Oraziun dal de



Periun! Oh Dio misericordius, ma töa sapionza nes mostra le der tru: no lascé che les bries y i fistidi de cösta tera nes tegni endô da ti jí adancuntra a to Fi. Condüjresse con töa parora y con töa grazia ala comuniun con Gejú Crist, nosc Signur, co vir y regneia con te tl'unité dal Spirit Sant por düc i secui dai secui. – Amen.

(Lezionar C)



☞ *Letöres dla Terza domegna d'Advent "Gaudete":
Sof 3, 14–17 | Fil 4, 4–7 | Lc 3, 10–18*

Edema liturgica dai 09.12. ai 16.12.2018

DOM 09.	Secunda domegna d'Advent Juan Diego Cuauhtlatoatzin, Valeria, Petrus (Pierre) Fourier, Hanna
08:30	Rorate por i Ministronc y la Schira Jonila  scolari <i>oferta por i debojügn dla ploania</i>
10:00	Rorate a Al Plan
Lön 10.	Maria da Loreto, Angelina
→	de d'oraziun te familia
Ded 11.	Damasus I., Tassilo III., David, Artur
19:30	Rorate por les patrones y por † Rosa Maneschg Willeit, Sach  grup da Cor
Dem 12.	beat Hartmann da Porsenú, memoria de Santa Maria da Guadalupe
→	de d'oraziun te familia
Jöb 13.	Lucia (Lizia), Ottilia
19:30	Rorate por i Scizeri  trumbetes dla Scora de Musiga
Ven 14.	Jan dla Crusc, Franzisca
→	de d'oraziun te familia
Sab 15.	Cristiana, Nina, Maria Cruzifixa
18:00	Rorate a Al Plan
19:30	Rorate por i Ciantadús  Cor
DOM 16.	Terza domegna d'Advent "Gaudete" Adelheid, Dietrich, Albina
08:30	Rorate por le KVW  orghi da man → oferta d'Advent por la diozeja
→ 19:30	funziun penitenziala d'Advent
10:00	Rorate a Al Plan
ampola:	por la pêsc
ministronc:	▶ dedolönesc y domegna: Andrea Santolini y Armin Frontull ▶ jöbia, sabeda y domegna: Roman Frontull y Taibon Filip
i recordun:	Sr. Augusta Emma Frena, Zams + 14.12.2011



Al ven laoré pla strada ... converjiun! (Lc 3, 1-6)

I ponsi do

La gnüda de Gejú é l'avenimont plü „arjigné ca“ dla storia: Chelbeldio á cherí fora trec ei y trepes eres a ester anunziadús de cösta presenza. Danter chisc - le plü dampró tai tomps - Jan le Baciadú. Por encunté Gejú ôl ester en cör davert y desponibil, desco na strada leria y splanada sön chera che le Signur jará por gní a se ciafé.

☛ **I mo tóli dant:** da ascuté sō vigne amonimont y bun consei y da tó söl scerio düc i encorajamonc co mo deida deventé na miú porsona.

Walter Cazzaniga, Parola amica – Il Vangelo della domenica per ragazzi

I preii ensciö

Al é vei che Jan scraia tal desert. Enschiö dij ince i mi canche i ne feji nia ci che ai mo damana y dandadöt canche ei baia y iu ne ti meti nia averda. Con Töa Parora, Signur, sozedel val' iade le medemo. Tan de envic, tan de indicaziuns, tan de esempi che te se das, y nos ne müdun nia vita. Tö ôs ch'i se convertiunse mo a nos se vegnel enmont che al ne vái nia debojügn, deache i ponsun ch'i sunse belo prosc assá. Tö damanes n cör nö y nos tirun fora i sentimonc vedli: egoism, superfizialité, desinteres ... Él tan rio da müdé y fá atramonter? N'él propio nia mitl da avalié fora i trus de nosta vita? Por fortuna este tö! I sonti töa man sön mia sciabla co mo dá coraje y mo dij: „I te deidi, te dess sei che te pos gní miú!“ lolan, Gejú!



Advent

Da kommt einer - und du übersiehst ihn!

Da geht einer auf dich zu - und du bist verschlossen!

Da klopft einer bei dir an - und du überhörst ihn, weil du so geschäftig putzt!

Da tritt einer bei dir ein - und du bist außer Haus!

Da wohnt einer bei dir - und du wirfst ihn raus!

Da will einer sich mitteilen - und du schneidest ihm das Wort ab!

Da wartet einer auf dich - und du zeigst ihm den Rücken!

Da hat einer unendlich viel Zeit - und du bist nie zu sprechen!

Da bringt einer Ruhe - und du bist zerstreut!

Da kommt einer - und du siehst nur dich!

Solange er immer noch kommt - kannst du dich ändern!